

ETH GIGANT E ES TRES FRAIRS



I auie un còp un gigant solitari que demoraue naut d'ua montanha.

Tres frairs volien conéisher eth gigant.

Eth frair gran, pugèc eth prumèr. "Òla gigant. Pogui èster eth tòn amic?", demanèc. Eth gigant diboishèc un arridolet e acceptèc.

Eth frair miejan, pugèc eth dusau. "Òla gigant, Podem jogar amassa?", demanèc. Eth gigant capegèc que òc e se divertic fòrça.

Fin finau, eth frair petit pugèc eth darrèr damb un present, ua flor.

"Òla, gigant. Açò ei entà tu", didec. Eth gigant s'emocionèc e la sauvèc.

Es tres frairs se hèren amics deth gigant: amassa viueren un pialèr d'aventures e eth gigant jamès tornèc a trapar-se solet.

ETH GIGANT E ES TRES FRAIRS



Premanim es paraules dificiles deth tèxte.

arridolet

emocionar

fin finau

aventures

capegèc que òc
(assentic)

Preguntes de compreneça orau:

1. Com se sentie eth gigant dera montanha?
2. Quin frair li demanèc èster eth sòn amic?
3. Quin frair li demanèc de jogar damb eth?
4. Quin frair li regalèc ua ròsa?
5. Com sabes que li agradèc era ròsa?
6. Siguec erós eth gigant damb es visites des tres frairs? Com ac sabes?
7. ...

ETH CARRÈR DES HOLETS



En un poblet ath cant d'un gran bòsc i auie un carrèr magic nomentat "Eth carrèr des holets".

En aquest carrèr i demorauen holets damb es sues familhes. Cada maitin es petiti gessien a jugar en parc en tot arrir e saltar.

Un dia, en tot jogauen, trapèren ua pòrta secreta. Artenheren daurir era pòrta. Era entrada tà un bòsc encantat! Descorbiren arbes fantastics, flors magiques, animaus desconeishudi e a d'auti holets damb qui juguèren.

Còp sec, enteren ues votz. Èren es pairs des holets que les cridauen entà tornar tà casa. Es holets petiti tornèren en tot córrer, mès deishèren era pòrta dubèrta entà poder tornar tath bòsc encantat.

ETH CARRÈR DES HOLETS



Premanim es paraules dificiles deth tèxte.

nomentat

fantastics

familhes

desconeishudi

artenheren

en tot córrer

Preguntes de comprenença orau:

1. A on ère eth carrèr des holets?
2. Tà on portaue era pòrta magica que trapèren?
3. Qué i vederen d'especiau?
4. Perqué se n'anèren deth bòsc encantat?
5. Qué heren entà poder tornar a entrar?
6. ...

ETH GELAT DE MIL COLORS



Eth senhor Magin auie ua gelataria damb tota sòrta de gelats: d'ahraga, de chicolate, de vainilha e fòrça mès.

Un dia, Laura e Matèu anèren tara gelataria. Eth senhor Magin les condèc eth secret deth gelat de mil colors. Les didec: "Cada color vos portarà tà un lòc fantastic!".

Laura lequèc eth color vermelh ahraga e en un moment se trapèc en un prat plen de flors. Matèu escuelhec es tres colors e lo transportèren tà ua montanha de mochets.

Amassa, explorèren toti es colors deth gelat, en tot anar d'un costat tar aute.

Esquièren damb eth blanc gelat e nadèren damb eth blu gelat e...

Siguec ua aventura incredibla!

ETH GELAT DE MIL COLORS



Premanim es paraules dificiles deth tèxte

gelataria

transportar

explicar

explorar

moment

aventura

incredibla

Preguntes de comprenença orau:

1. De qui ère era gelataria?
2. Quin gelat especiau i auie en aguesta gelataria?
3. Qué auie d'especiau?
4. A on les portèc eth color blanc gelat?
5. E eth blu gelat?
6. Quin color de gelat tastaries tu?
7. ...

ETH BERNAT E ERA ARONGLA




I auie un còp ua arongla e un berrat qu'èren plan boni amics.

Un dia, era arongla vedec un peishet atrapat en ua bassa. Era arongla volèc plan de prèssa de cap ath berrat e li didec: "Auem de salvar ad aquest peishet!"

Eth berrat volèc enquiara bassa. Damb eth sòn bèc punchent cuelhèc ath peishet e lo liberèc en un arriu propèr. Eth peishet en tot hèr un saut d'alegria les dèc es gràcies.

Quan arribèc eth heired era arongla e eth berrat se n'anèren entà tèrres mès caluroses. Eth peishet les demorèc tot er iuèrn e ena primauera les recebec damb un saut d'alegria encara mès naut.

ETH BERNAT E ERA ARONGLA



Premanim es paraules dificiles deth tèxte.

arongla

alegria

plan de prèssa

primauera

liberar

Preguntes de comprenença orau:

1. Qué vedec un dia era arongla atrapat en ua bassa?
2. A qui demanèc ajuda entà salvar eth peishet?
3. Qué hec eth berrat?
4. Com les ac arregraïc eth peishet?
5. A on passèren er iuèrn era arongla e eth berrat?
6. E eth peishet?
7. Perqué dideries qu'eth peishet les recebec damb un saut encara mè s naut?
8.

ES GATS ESPECIALS



I auie un còp ua família de gats: èren especials pr'amor qu'eth sòn peu ère de toti es colors, com er arcolan.

Un dia en tot prenien eth solei e enguardauen eth paisatge i auec un problèma: un can repotegaire les vedec e comencèc a lairar. Eth gatet s'amaguèc. Eth gat e era gata miulèren hòrt entà protegir eth sòn hilh. Alavetz passèc ua causa incredibla: es colors dera família de gats comencèren a lúder mès e mès. Se tornèren tan resplendents qu'eth can s'espantorièc e gessec en tot córrer. Eth gatet s'arruquèc ath cant des sòns pairs e saberem que damb es sòns colors èren invencibles.

ES GATS ESPECIALS



Premanim es paraules difícils deth tèxte.

especials	incredible
resplendents	reputegaire
invencibles	alavetz
enguardauen	arruquèc

Preguntes de comprenença orau:

1. Perqué èren especials es gatets?
2. Quin problèma aueren un dia?
3. Qué hec eth gatet?
4. E eth gat e era gata, qué heren?
5. Qué espantorièc ath can reputegaire?
6. Qué ei çò qu'encoratgèc ad aquesta família de gats?
7.